

Tîm Cwricwlwm TGCh

# Cylchlythyr TGCh



## Rhifyn Arbennig Hirddydd Haf!

### Ymweliad ag Ysgol Robin Hood

#### Cynnwys:

- Ymweliad ag Ysgol Robin Hood
- Adnoddau DiDa am ddim
- Animeiddio a Chyfyngau Digidol
- Esbonio'r Llyfrgell Feddalwdd Ddifiniedig!
- Astudiaeth Achos Fideo-gynadledda
- Cynllun Gwaith TGCh Adnoddau Cymraeg
- Mae Stori i Bob Llun
- Disc Adnodd Sgiliau Allweddol

#### Cofiwch:

- Rhif Llinell Gymorth: 01792 636900  
Desg Wasanaeth am ymholiadau technegol
- YGG Bryn Tawe: 01792 560649  
Tîm Cwricwlwm TGCh

**Daeth y syniad o ymweld ag Ysgol Robin Hood yn Birmingham wrth i mi ddarllen erthygl yn TES Online am ysgol yn Durham a oedd wedi ymweld ag Ysgol Robin Hood ac yn teimlo eu bod bellach yn defnyddio TG mewn ffordd flaengar wrth gyflwyno agweddau ar y cwricwlwm.**

**“Ysgol Gynradd Robin Hood—Ysgol y Dyfodol ar gyfer Plant Heddiw”**

Cysylltais â Maria Boex o GACC ynghylch y syniad gan drafod y gallai'r cynllun peilot newydd 'Bwrsariaethau Grŵp' fod yn addas ar gyfer y prosiect. Felly, ar ôl llenwi'r ffurflenni perthnasol a chyflwyno'r cais, dywedodd CACC fy mod i wedi llwyddo i sicrhau cyllid ar gyfer mynd â fi a dau athro arall o Ysgol Gynradd Sea View Primary School Ysgol Gynradd Robin Hood. Cawsom arian hefyd am lety noson mewn gwesty ac wrth gwrs costau petrol.

Mae datblygu TG yn un o

flaenoriaethau'r ysgol (fel y mae i bron pob ysgol yn Abertawe, greda i), ac rydym wedi gweithio'n agos gyda Lindsay Harvey a'i dîm i ddatblygu cynllun gweithredu. Oherwydd y b berthynas weithio agos yma gwahoddwyd Lindsay i fynd gyda ni i Birmingham er mwyn cael ei safbwynt ef.

O safbwynt TG, roedd yr ysgol yn enghraifft wych. Dangosodd plant Blwyddyn 2 gyflwyniadau PowerPoint i mi yr oeddent wedi'u gwneud ar amrywiaeth o bynciau. Roedd plant Babanod eraill yn gweithio mewn parau ar eu hanimeiddio gan ddefnyddio Apple Macs. Roedd plant Derbyn yn defnyddio synwryddion metel i chwilio am arian yn y pwll tywod ac yna'n dosbarthu'r arian mewn tybiau yn ôl ei werth. Roedd plant Blwyddyn 1 yn defnyddio peiriant Karaoke i gofnodi eu cyfweiliad â chyw iâr (pyped yr oedd plentyn yn ei reoli ac yn ateb drosto). Wrth symud o gwmpas yr ysgol, roeddech yn gweld sut roedd sgiliau'r plant yn datblygu ac roedd eu hyder



*Disgyblion yn Ysgol Robin Hood yn gweithio mewn ystafell o Apple Macs*

wrth siarad â chi am yr hyn roedden nhw'n ei wneud a'r meddalwedd roedden nhw'n ei ddefnyddio'n anhygoel. Yn goron ar y cwbl, cafwyd ffilm fer yr oedd grwpiau o ddisgyblion Blwyddyn 6 wedi'i chynhyrchu am eu hysgol. Ffilmiau yr oeddent wedi'u golygu ac wedi ychwanegu cerddoriaeth ac effeithiau sain atynt er mwyn dangos yr ysgol naill ai o safbwynt cadarnhaol neu negyddol.

Yn sicr nid oedd yr ysgol yn berffaith, ond roedd yr agweddau cadarnhaol yn gorbwyso'r negyddol ac mae'r ymweliad wedi rhoi syniad llawer cliriach i mi o'r hyn yr wyf am ei ddatblygu yn Sea View o ran defnyddio TG.

**Damien Beech**

**Dirprwy Bennaeth**

**Ysgol Gynradd Sea View**

## Adnoddau DiDA Am Ddim!

### Diploma mewn Cymwysiadau Digidol!

Bydd llawer ohonoch yn gwybod am wefan Grid Dysgu'r Gogledd-orllewin [www.dida-delivered.org](http://www.dida-delivered.org), sef adnodd rhyngweithiol iawn a ddatblygwyd i gefnogi'r cymhwyster DiDA.

Mae'r cynnwys ar-lein ar gael bellach i holl ysgolion y DU am ddim. Rhennir yr adnodd yn bedair prif adran, DiDA Delivered, Student Skills Gym, Teacher Training Materials a Athrawon a 3D Gaming for Units 1 and 4. Anfonwyd yr adnoddau hyn i ysgolion sydd wedi cofrestru ar gyfer yr adnoddau mewn pecyn 4 disc. Mae disc 4 o'r enw 'DiDA Delivered in Moodle' yn cynnwys cyfres o ffeiliau ategu cyrsiau Moodle—un ar gyfer pob modiwl.

Er bod yr adnoddau wedi'u bwriadu'n bennaf ar gyfer cefnogi DiDA, mae llawer o adnoddau defnyddiol yno i athrawon, y gellir eu defnyddio i gefnogi cyflwyno TGCh ar gyfer Cyfnodau Allweddol 3 a 4.

Os nad ydych wedi cael copi o 'DiDA Delivered' gallwch gofrestru eich ysgol ar y ddolen gyswllt ganlynol <http://www.nwlg.org/projects.htm>.



## Animeiddio a Chyfringau Digidol

### Gwaith cyfredol ar animeiddio a chyfringau digidol mewn Ysgolion Cynradd

Yn ystod y flwyddyn academaidd, cynigiodd y Tîm Cwricwlwm TGCh hyfforddiant a oedd yn ymwneud â sawl menter newydd. Y mwyaf poblogaidd ymhlith yr ysgolion cynradd oedd animeiddio a'r chyfringau digidol. Roedd animeiddio'n arbennig wedi darparu diwrnod HMS llawn hwyl i lawer o athrawon. Adlewyrchwyd gwerth yr hyfforddiant hefyd yn yr ysgolion, gyda disgyblion yn creu animeiddio neilltuol. Gellir gweld detholiad o'r rhain yn Oriol Animeiddio gwefan Dysgu TGCh ([www.learn-ict.org.uk/resources/animation/index.asp](http://www.learn-ict.org.uk/resources/animation/index.asp)). Dylid pwysleisio bod llawer o'r animeiddiadau wedi'u creu gan blant Babanod. Mae'r animeiddio wedi amrywio o wneud clai i animeiddio 2-D. Mae llawer o blant ifanc hefyd wedi creu cyflwyniadau animeiddio graffeg drwy ddefnyddio meddalwedd 2animate. Mae'n amlwg bod y profiadau a gafodd athrawon a disgyblion yn cael eu hystyried fel rhai gwerthfawr iawn. Mae'r profiadau wedi treiddio i lawer o feysydd cwricwlaidd eraill a hefyd wedi ychwanegu dimensiwn newydd i linydd cyfathrebu TGCh.

Dylid nodi hefyd bod sawl ysgol wedi cynhyrchu eu cyflwyniad cyfringau digidol eu hunain. Fel gydag animeiddio, mae cyfringau digidol yn cynnig profiadau newydd i athrawon a disgyblion. Mae'r meddalwedd Revelation Sight and Sound gan Logotron wedi'i ddefnyddio'n helaeth wrth ddatblygu'r maes yma. Bu prosiect SA1, gyda chef-nogaeth Howel Davies, yn llwyddiant ysgubol gan gynnwys sawl ysgol sydd wedi cynhyrchu cyflwyniadau o safon broffesiynol iawn. Bydd y rhain yn cael eu harddangos yn yr Eisteddfod Genedlaethol.

Fel AAL1, gallwn ymfalchïo yn y gwaith y mae ysgolion yn ei wneud, lle mae'r profiadau a gynigir mewn llawer o achosion yn mynd y tu hwnt i ofynion y Cwricwlwm Cenedlaethol.



## Llyfrgell Feddalwedd Ddiffiniol Ar-lein!

<http://www.learn-ict.org.uk/materials/dsl/index.htm>

Rhestr yw'r Llyfrgell Feddalwedd Ddiffiniol (DSL) o deitlau'r meddalwedd a gefnogir ar gyfer Ysgolion Abertawe. Cyhoeddwyd y teitlau yn Rhifyn y Gwanwyn o Gylchlythyr y Tîm Cwricwlwm TGCh.

Yn dilyn cyfarfod o'r Grŵp CL@SS, awgrymwyd bod angen mwy o fanylion ar gyfer pob teitl, gan ddisgrifio pwrpas pob teitl yn ogystal â'r ystod oed. Mae hyn bellach wedi'i gwblhau ar gyfer y Rhestr Feddalwedd Argymelledig. Bydd manylion y Rhestr Feddalwedd Hanfodol yn cael eu cwblhau gyda hyn.

Crëwyd y wedudalen sy'n rhoi'r manylion (URL uchod) gan ddefnyddio enghraifft cyn rhyddhau o fframwaith Spry gan Adobe Labs. Gan ddyfynnu Adobe:

*Rhagolwg yw'r fframwaith Spry o alluoedd data sy'n galluogi dylunwyr i ymgorfforfi data XML yn eu dogfennau HTML, gan ddefnyddio HTML, CSS, a'r mymryn lleiaf o JavaScript, heb orfod adnewyddu'r dudalen gyfan. Mae fframwaith Spry yn HTML-ganolog, ac yn hawdd ei ddefnyddio i'r rheiny sy'n meddu ar wybodaeth sylfaenol o HTML, CSS a JavaScript. Dyluniwyd y fframwaith fel bod yr ychwanegiad yn syml a'r mymryn lleiaf o JavaScript. Gall unrhyw un sy'n awduro ar gyfer y we yn eu teclyn dewisol ddefnyddio fframwaith Spry.*

Un o fanteision Spry yw y gellir trin y data heb orfod adnewyddu'r dudalen. Os byddwch yn clicio ar benawdau *Product* a *Category*, bydd y data'n cael eu didoli yn ôl y wyddor A-Z ac i'r gwrthwyneb bob tro y byddwch yn clicio. Os oes gennych unrhyw sylwadau am y dudalen yma, anfonwch hwy at John Mills ([john.mills@swansea-edunet.gov.uk](mailto:john.mills@swansea-edunet.gov.uk)).

RECOMMENDED SOFTWARE LIST	
Product	Category
Textase Studio+ / CT	Office / Multimedia
Maths Pack 1-4	Maths / Numeracy
Primary Maths Games	Maths / Numeracy
Adobe Dreamweaver	Web Design
Spish	Art
My Modelling Toolkit	Modelling
Zoombinis (3 Versions)	Maths / Adventure
Virtual Experiments	Science / Simulation
Izzy's Island	Adventure / Simulation
Crystal Rainforest	Adventure / Simulation
Map Detectives	Adventure / Simulation
Black Cat Compose	Music
2Create	Animation
2 Create a Story	Animation
Teaching Maths Series	Maths / Numeracy
Final NotePad	Music
Little Brown Bear Series	Adventure / Simulation
Dezde 1, 2 and 3	Art
Adobe Fireworks 8	Web Publishing
Print Music	Music
Adobe Flash 8 Professional	Web Design

**Product Overview**  
Textase Studio CT is a fully integrated set of software tools. Textase Studio CT is the only tool set you'll ever need, not just for ICT, but to make embedding ICT throughout the curriculum a doddio. What's more a huge range of cross curricular examples are included to show you just how easy this is to. We've listened to thousands of teachers who have

**Features**

## Mae fideo-gynadledda'n gweithio!

### Cynadledda rhwng Bishop Gore ac Ysgol Gynradd y Grange

Digwyddodd 'cysylltiad' diddorol rhwng Bishop Gore ac un o'i ysgolion cynradd partner.

Ar ôl cael y cyfarpar fideo-gynadledda newydd tua diwedd tymor yr haf, aeth Ysgol Esgob Gore ati'n fuan i drefnu sesiwn gydag Ysgol Gynradd y Grange i samplu Fideo-Gynadledda ar fand llydan y sir. Gosodwyd y cysylltiadau angenrheidiol yn frysiog gan y tîm technegol er mwyn trefnu'r sesiwn arbrofol gyda'r ysgol gynradd.



Ymunodd disgyblion Bl 5 o ysgolion cynradd yn Abertawe a oedd ar ymweliad â rhai o ddisgyblion blwyddyn 7 a blwyddyn 10 a oedd wedi dod ynghyd i'r ystafell Fideo-Gynadledda ar gyfer sesiwn cwestiwn ac ateb. Yn Ysgol Gynradd y Grange, roedd y Cydlynnydd TGCh, Mr Geoff Davies wedi trefnu grŵp o ddisgyblion Bl 5 a Bl 6 gydag arddangosiadau dosbarth byw. Yn ystod y sesiwn, roedd y disgyblion yn gallu cael cipolwg ar y dosbarthiadau, y gwersi a'r trefniadau yn y ddwy ysgol.

Cafwyd cyfnewid syniadau diddorol ar wyddoniaeth: darparodd Grange arddangosiad byw o'u model o gysawd yr haul a gwybodaeth ar eu cronfa ddata ar y planedau sy'n rhan o wefan eu hysgol. Cyflwynodd y disgyblion hŷn-bosau mathemategol diddorol a gafodd eu harddangos ar fwrdd gwyn rhyngweithiol yn un o ystafelloedd dosbarth yr ysgol gynradd.

Er y pellter byr mewn gwirionedd - dangosodd y cysylltiad ansawdd y cyfarpar newydd y gellir ei ddefnyddio'n fyd-eang o hyn ymlaen.

## Cynllun Gwaith TGCh

### Adnoddau Dwyieithog i gefnogi'r Cynllun Gwaith TGCh

Mae'r Cynllun Gwaith TGCh bellach yn cynnwys adnoddau Cymraeg a Saesneg, ac rydym yn y broses o gyfieithu'r cynllun gwaith i'r Gymraeg. Bydd hyn wedi'i orffen erbyn diwedd y tymor ac ar gael o wefan Learn ICT yn ystod gwyliau'r haf ([www.learn-ict.org.uk/sow/index.asp](http://www.learn-ict.org.uk/sow/index.asp)).

Bwriadwn erbyn diwedd mis Hydref gynhyrchu clipiau fideos bach i gyd-fynd â'r adnoddau yn y cynllun gwaith. Bydd y clipiau'n cael eu defnyddio i arddangos arfer da wrth ddefnyddio'r adnoddau.

O ran newyddion arall, bydd datblygu adnoddau Cymraeg yn dechrau dros wyliau'r haf. Ein go-baith fydd adeiladu banc mawr o adnoddau rhyngweithiol. Mae croeso i unrhyw gyfraniadau o waith!



## Mae Stori i Bob Llun

### Cwricwlwm ymatebol, hyblyg a pherthnasol

Mae dysgwyr ifanc heddiw'n gofyn am gwricwlwm sy'n ymatebol, sy'n hyblyg ac sy'n adlewyrchu eu byd. Mae delweddu digidol yn fwy na dim wedi hybu a galluogi TGCh i gefnogi dysgu a datblygu hyder ar draws holl feysydd y cwricwlwm. Mae'r sgrin fwy y Bwrdd Gwyn Rhyngweithiol yn hwyluso gwyllo a rhyngweithio gan grwpiau mawr a hefyd yn darparu teclyn a gyfer dysgu cydweithredol. Mae arddangos ffotograffau, ynghyd â ffilmiau byr a sioeau sleidiau, yn galluogi plant, staff a rhieni i siarad am eu profiadau a'u rhannu a datblygu arfer da o ran dysgu plant, a chreu cysylltiadau cartref-ysgol gwell oherwydd ei bod mor hawdd rhannu digwyddiadau wrth iddynt ddiwydd.



Gall delweddu helpu plant i ailadrodd digwyddiadau a'u hannog i siarad am eu profiadau gydag oedolion a'u cyfoedion. Gall plant dynnu lluniau o'r modelau y maent wedi'u hadeiladu, eu diddordebau cyfredol, ymchwiliadau gwyddonol, triapiau ysgol, cyngherddau, ymwelwyr a'r amgylchedd lleol fel rhan o'r drefn arferol. Gallant ddefnyddio delweddu o'r we i greu sioeau sleidiau i gefnogi pynciau hanesyddol ar yr un pryd â datblygu sgiliau llythrennedd, a gallant hyd yn oed greu animeiddiadau byr.

Mae ysgolion yn dechrau creu CDs i'w disgyblion fynd adref â delweddu, sioeau sleidiau, ffilmiau ac animeiddiadau gyda hwy i rannu gyda'u teuluoedd ac mae rhai ysgolion hyd yn oed wedi creu CDs ar gyfer disgyblion Blwyddyn 6 fel cofnod o'u profiadau yn yr ysgol. Rwyf hyd yn oed wedi gweld albwm yn llawn o ffotograffau allan o ffocws a / neu ffotograffau gyda rhanau o'r corff yn ddamweiniol ar goll mewn lleoliad y Blynnyddoedd Cynnar, a'r plant yn dda iawn yn dyfalu beth mae'r ffotograff yn ei gynrychioli!



## Disg Adnoddau Sgiliau Allweddol

### Astudiaethau Achos Sgiliau Allweddol a'r Dogfennau Cysylltiedig

Bydd ysgolion erbyn hyn wedi derbyn copi o fersiwn ddrafft y *Ddisg Adnoddau Sgiliau Allweddol*.

Gan fod y ddisg wedi'i pharatoi yn fformat MS PowerPoint, hwyrach na fydd gan rai ysgolion y cyfleuster i wyllo'r cyflwyniad. Os nad yw MS PowerPoint wedi'i osod ar eich cyfrifiadur, gallwch lawrlwytho a gosod Darlennydd PowerPoint am ddim. Gellir ei gael o [Wefan Microsoft](http://www.microsoft.com) neu o wefan Learn ICT yn ardal [Essential Updates](http://www.learn-ict.org.uk).

Os cewch chi unrhyw anawsterau technegol gyda'r ddisg, gallwch gysylltu ag aelod o'r Tîm Cwricwlwm TGCh.

